

OSAKIDETZA-EUSKAL OSASUN ZERBITZUKO ADMINISTRAZIO KONTSEILUAREN 2024KO APIRILAREN 15EKO BILERAREN AKTA

2024ko apirilaren 15eko 08:30ean, Osakidetza-Euskal osasun zerbitzuko Administrazio Kontseilua eratu da modu ez-presentzialean. Bestalde, Sektore Publikoko Araubide Juridikoaren urriaren 1eko 40/2015 Legearen 17.5 artikuluan ezarritakoarekin bat etorriz, kontseilu honen ondorioetarako, ulertzen da akta honetan jasotako erabakiak Osakidetza-Euskal osasun zerbitzuaren egoitza nagusian hartu direla (Araba 45, Vitoria-Gasteiz), hura baita erakundearen egoitza.

Aurrekoa ezarri ondoren, eta Osakidetza-Euskal osasun zerbitzuko Administrazio Kontseiluko lehendakariak deituta, honako kide hauek bildu dira: Miren Gotzone Sagardui Goikoetxea, Osasuneko sailburua, lehendakaria; **José Luis Quintas Díez**, Osasuneko sailburuordea, lehendakariordea; Nerea Urien Azpitarte, Administrazio eta Finantzaketa Sanitarioko sailburuordea; **Hernando Lacalle Edeso**, Finantza eta Aurrekontu sailburuordea, batzordekidea; eta **Josu Iñaki Garay Ibáñez de Elejalde**, Aurrekontu zuzendaria, batzordekidea.

Presidenteak quorum nahikoa dagoela egiaztatu du, azaroaren 11ko 255/1997 Dekretuak – Osakidetza-Euskal osasun zerbitzua Ente Publikoaren Estatutuak ezartzen dituenak– eta Sektore Publikoaren Araubide Juridikoaren urriaren 1eko 40/2015 Legeak ezarritakoaren arabera, eta, horrenbestez, **bertaratuek osoko bilkura eratu dute**, presidenteak deitutako bilkura egiteko eta aldez aurretik bidalita zegoen gai-zerrendako puntuak eztabaidatzeko. Osakidetza-Euskal osasun zerbitzuaren Estatutu Sozialen 8.3 artikuluan ezarritakoari jarraituz, Administrazio Kontseilu honetara joan dira, presidentearen baimenarekin, ente publikoko zuzendari nagusi **María Rosa Pérez Esquerdo** andrea, eta ente publikoko Aholkularitza Juridikoko zuzendariordea, **Susana López Altuna** andrea (idazkari gisa).

GAI-ZERREDA

LEHENENGOA.– Osakidetzako zuzendari nagusiaren martxoaren 1eko 561/2024 Ebazpenaren; martxoaren 14ko 657/2024 Ebazpenaren eta otsailaren 29ko 551/2024 Ebazpenaren betearazpena eteteko eskaera-errekurtsoei buruzko akordio-proposamenak egitea, eta, hala badagokio, onartzea.

Guztira 3 akordio-proposamen aurkeztu zaizkio Administrazio Kontseiluari, izangaien behin betiko ebazpenaren betearazpena eteteko eta destinoak esleitzeko eta/edo izendapen-ebazpena emateko eskaerari dagokionez.

Kategoria hauek etetea eskatzen da:

- Girotze Instalazioetako Teknikaria
- Erizaina
- Ergonomiako eta Psikosoziologiako Prebentzioko Teknikaria

Administrazio Publikoen Administrazio Prozedura Erkidearen urriaren 1eko 39/2015 Legearen 117. artikulua, betearazpena eteteari buruzkoak, argi ezartzen du errekurtsu bat jartzeak ez duela etengo aurkaratutako egintzaren betearazpena xedapenen batean bestelakorik ezarri ezean.

Era berean, xedatzen du ebazteko eskumena duen organoak ezen, eteteak interes publikoari edo hirugarrenei eragingo liekeen kaltea eta errekurritutako egintzaren berehalako eraginkortasunaren ondorioz errekurtsogileari eragingo litzaiokeen kaltea behar bezala haztatu ondoren, aurkaratutako egintzaren betearazpena eten ahal izango duela, ofizioz edo errekurtsogileak eskaturik, inguruabar hauetakoren bat gertatzen bada:

- A) Betearazpenak kalte erreparaezinak edo erreparagaitzak ekartzea.
- B) Aurkaratzearen oinarria lege honen 47.1 artikuluan erabateko deuseztasunerako aurreikusitako arrazoietakoren bat izatea.

Kasu honetan, errekurtsogileek, ez dituzte behar beste frogatu aipatutako inguruabarrak, eta, horrez gainera, Administrazio Publikoen Administrazio Prozedura Erkidearen urriaren 1eko 39/2015 Legearen 117. artikuluan ezarritako haztatze-aukerei dagokionez, etenaldiak interes publikoari edo hirugarrenei eragingo liekeen kaltearen eta errekurritutako lehen egintzaren berehalako efikaziak errekurtsogileei eragingo liekeen kaltearen artean, adierazi behar da eskatutako etenaldiak, batetik, kalte larria eragingo liokeela interes orokorrari,

Administrazio Publikoak bere plantillako destino hutsak betetzeko duen betearazte-ahalmenari eragingo litzaiokeelako, eta bestetik, hautaketa-prozesuko parte-hartzaileei eragingo liekeela, deialdian sartutako destinoa betetzeko aukerarik ez dutelako. Hala, kalte horiek larriagotzat jotzen dira errekurtsogileek alegatutako bidegabekeriak baino.

Aurkaratutako administrazio-egintzak etetea salbuespenezko neurria da, egintza horien berehalako baliozkotasun- eta efikazia-presuntzioaren aurrean. Aurkaratutako administrazio-egintzen etetearen alegazio hutsa ezin da eskari nahikotzat hartu, administrazio publikoaren funtzionamendua geldiaraz baitezake administrazio-errekurtsioak jartzearekin batera aipatze hutsarekin.

Aurrekoa oinarri hartuta, hautaketa-prozesuaren bermeak eta Funtzio Publikoan sartzeko oinarrizko printzipioak gordetzeko, ezin da erabaki errekurtsogileak eskatutako etenaldiaren alde.

Aurkeztutako erabaki-proposamenetan eteteko eskaera baino ez da ebazten, eta jarritako gora jotzeko errekurtsioen funtsa ebatzi gabe dago.

ERABAKIA: Administrazio Kontseilua osatzen dutenek aho batez onetsi dute aurkeztutako erabaki-proposamena.

BIGARRENA. – Informazioak, eskaerak eta galderak

Eztabaidagai gehiagorik egon ez denez, bilera amaitutzat eman da, 2024ko apirilaren 15eko 8:50ean.



Sin.- Susana López Altuna

Idazkaria



Sin.- Miren Gotzone Sagardui Goikoetxea

Osasun sailburua

Presidentea

O.E.

